




D'Amis hän ys zaige wellä
uf ihri Macht do ka mä zellä,
Das sîn jetz über Fufzig Jahr,
Mir glaube immer no, s'syg woehr.



Bim van Allen syge si duregfloge,
hän sich d'Strahlekranket nid zuezoge
D'Dosis isch zwar über dr Schwelle.
Aber d'Aschtronaute hän glyych anewelle.



ufm Mond sygä sy domool glandet
Halt dert wo's grad ä chly guet sandet
So dass d' Fähri mit em Plastigg-Gschtell
Jo nid beschädigt wärde sell.



Wie lüslig sonä Landig würdi go
Kann iich no immer nid verschtö.
Und au bim Rüggstart hets mi dunggt
Do häig jo eigentlich gar nyt gfunngt.



Es hän d' Aschtronaute überläbt
Nur dr Sand het halt chly gar fescht kläbbt
Was er jo ufm Mond nid duet
Aber das gseht me am Färnseh nid so guet.



Au Wurum d'Fahne wääiht, cha-n-iich nid wüsse,
Oder isch ächt jetz doch alles bschisse?
Näi, do syg äine aanegange
und heig grüttled an der Fahneschtange.





An der Apollo-PK kasch verneh,
Schtärne häige si keini gseh.
Denn uff dä Bilder hets au käini,
Nur so isch das jo au logisch, main I.



Jä das alles hed sich würgglich glohnt,
Die tollä Fotänä vo ufm Mond...
Wenn üich so lang an dr Sunnä gsi bi
Sy miini Kodak- Bilder nachhär hi.



Wenn dr Armschtrung schpöötter denn duet brichte
Vo siine Wohret verdeckende Schichte,
denn loose mir do gar nit mit,
will mir verschtönde das jo nit.



Quet hämmer am Färnsee Kommentatoore
Wo üfrüg do diien nochebohre
Si frooge immer wider noo
Bis d'NASA säit, 's syg halt eso.



Zweिताusig -Sächs isch bi dr NASA usekoo
Originalschpröch syge nimme doo
Verschwunde sin au d' Plän vo dr Lande-Fähri
Was eigentlich nid so tragisch wääri



Aber jetz duet's dr also hinderesträhle,
Aschtronautä-n-Azüüg dien au fähle
Und diä syge doch dr einzig Grund
Wurum mir im All über d'Rundi kunnt.



D'NASA säit, das bruuchis alles nimme
Choschte/Nutze dieg nimme schtimme
Das heig hyt alles gar kei Zwägg meh
Drum düege si das jetz eifach wägg geh.





S'Dumme an der Sach isch numme
Kopie von de Gschpröoch die sy no umme
Und derte, so kamä hyt verneeh
Heig me etlichí Fähler gseh:



D' Antworte, die vom James Irwin, gäll,
Die kemme-n- eifach vill vill z'schnäll
Die brüüchte-n-eigentlich vill meh Zyt
Kemmä die wirklich vo so wyyt ?

